

利而不害

道玄經曰日出於地萬物蕃息雷之動也

萬物啓雨之潤也萬物解

聖人之道

南華經曰帝道運而無所積故天下歸聖

人之心靜也天地之鑿也萬物之鏡天下

靜矣

為而不爭

通玄經曰大人施行有似於道陰陽之動

有常節大人之動不極物風不動火不出

大人不言小人無述火之出也必待薪大

人之言必有信有信有真何往不成

道德真經四子古道集解卷之十

後序

竊聞莊列文廣者過老氏之門人高弟也當此周時皆親授五千言教探道德之奧旨捨四子之外其孰能與於此哉今之諸集解義多浮誕了無所執各尚異端百無一當尚辭者逞於談辯達於體要玩理者拘於淺近昧手指歸是以大道隱於小成固閉而不能開久屈而不能伸由是天下莫不以空性為科邪說為惑皆不能反于正道也今古裏冠志道者多聞博識有生知自然之性自勿及冠心不掛細務不以名利為急酷嗜恬悅之樂然而經史不輟於涉獵諸子之中僻好道德二篇閱及舊注背義者多故慨然篤志累日滋久不捨晝夜遂成一編之書以論道德之根本然猶不肯恃已所長輒引莊列文廣為證庶息天下未達者之謗議也迺曰之曰四子古道義十卷或隨經辨注或總章定名纂連義者有一百餘家譏改本者近八百餘家專上古結繩之化述聖人體道之規請尚怪以遺真鄙泥空而失治門目備次章句有歸

卷十

六

鬼神之說斥之於無稽方術之事屏之於不用其道之功用燦然靡所不載可使後之宗風者聞卷見道而不勞聰明昔孔子推高老氏之言故嘗歎之猶龍以其變化不測可謂玄德深矣遠矣驗之於古考之於今俾人甚易知甚易行為萬世之龜鑑者不據是論余何言哉於戲聖道之興信有乎時素得觀高論醉眼豁然如披霧而觀光明蓋天之未喪斯文也謹援筆直叙跋之卷尾姑以讚先生之用心耶時大定二十年庚子歲正月上元日

鄉貢進士溥源繁時劉諤庭直序